

## **Vniuersa Theologia Scholastica, Speculatiua, Practica**

Ad methodum S. Thomæ, quatuor Tomis comprehensa

**Tanner, Adam**

**Ingolstadii, 1626**

II. An Deus videatur, aut quid sit atque videri possit per aliquam similitudinem vel speciem creatam, seu cognitione intuitua, seu abstractiua, etiam secundum potentia[m] absolutam.

---

[urn:nbn:de:hbz:466:1-72856](#)

in simili dicitur Exodi 33. v. 11. *Loquobatur Dominus ad Mosen facie ad faciem; sicut solet loqui homo ad amicum suum.* Neq; verò ibi facies significat claram Dei visionem, cum hoc sensu ea Moysi ibidem v. 20. denegetur.

S. Pauli *verò raptus 2. Cor. 12. v. 2. & 3.* intelligitur de singulari aliquia reuelatione; sive ea contingit in triduo illo statim post conuersationem. Actor. 9. vt nonnulli volunt; vel aliquot annis post, vel alij existimant.

## D V B I V M II.

*An Deus videatur, aut videri, seu quidditatue cognosciposset, per aliquam similitudinem & speciem creatam, seu cognitione intuitiva, seu abstractiva; etiam secundum potestiam absolutam.*

S. Thomas 1. p. 17. a. 2.

Dplex hic controuersia Scholastica excutientia proponitur; vna communis; anne Deus ab intellectu beati per aliquid speciem, sive similitudinem creatam intuitiuè videatur, aut saltem videri possit; altera particularis cum Scoto; anne possibiliter species impressa, qua Deus cognitione quidditativa, non quidem intuitiva, sed abstractiva clare cognoscatur.

Et quodad primā controuersiā attinet. Notandum est, quadruplicem distinguere posse similitudinem creatam, de qua quāri potest, an per eā Deus clarè & intuitiuè videatur; Prima dicitur impressa, quia imprimitur intellectui; & est species intelligibilis; secunda dicitur expressa; tum quia per intellectū quasi exprimitur & formatur; tum quia actualis & expressa similitudo est rei visi; & est ipsa notitia, vt qualitas, seu verbum mentis, per actionem intellectus expressum; tertia vocatur obiectiva, quia per modum imaginis prius ipsa obiecti & cognoscit debet, quam in ea, aut per eam aliud cognoscatur; vnde etiam, vocatur medium cognitum: quarta est similitudo quædam Dei, seu intellectus diuinus, non in representando, sed in essendo, per participationem & convenientiam in viritate intelligendi; quia se tenet non ex parte obiecti, sed subiecti, sive potentiae, vim ei conferens videndi essentiam diuinam; quam S. Thomas hic q. 12. a. 2. docet esse ipsum lumen gloriae.

Hoc posito, in praesenti non est controuersia vlla de similitudine obiectiva, seu per modum medijs cogniti; hanc enim ad videndum Deum, nec re ipsa concurrere; nec in visione Dei intuitiva, etiam de absoluta potentia Dei, possibilem esse fatentur omnes: cum hoc ipso, quod res aliqua per medium cognitum, saltem creatum, cognoscitur, non cognoscatur intuitiuè in seipso. Et hoc minimum probantur rationes S. Thomæ quest. 12. a. 2. vt fatetur Vazquez disp. 39. cap. 2. & disp. 38. cap. 4. vbi etiam num. 24. recte addit; si quod tale medium, etiam solo numero distinctum sit ab obiecto cognito, habens alioqui candem perfectionem specificam.

cum obiecto, (quod ipsum tamen respectu Dei impossibile est) non posse hoc in intuitiuè videri.

Neque etiam in proposito quæstio est, de similitudine quasi in essendo, ex parte intellectus, de hac enim agitur apud S. Thomam art. 5. & à nobis dub. 3. Erat utramque etiam prædictam similitudinem exclaudendam in titulo diximus, an videatur Deus per similitudinem & speciem creatam; hoc est, per similitudinem, quæ sit species. Solum ergo quæstio est de duplice alia similitudine, nimis de specie expresa, & impressa, de qua quætitur, non solum a de facto detur, sed etiam an sit omnino possibile.

In qua quæstione, prima sententia simpliciter negat, in visione Dei, aut re ipsa interuenire, aut etiam possibilem esse speciem Dei creatam, sive impressam, sive expressam. Ita docent Henricus quodlib. 3. q. 1. & quodlib. 4. q. 8. Caetanus 1. p. q. 27. a. 1. Zumel, & recentiores Thomistæ hic q. 12. a. 2. vel quæst. 27. a. 1. & citant pro se S. Thomam cit. a. 2. Eandem sententiam, quoad speciem expressam, problematicè defendit Torres 1. p. quæst. 27. a. 1. disp. 5. dub. 4. certus interim, speciem impressam Dei nullo modo esse possibilem. Adducuntur autem præcipue in eam sententiam; quia non satis defendi posse existimant, speciem Dei impressam in visione non esse possibilem, si detur species eiusdem expressa.

Secundasententia est altero extremo; que docet, re ipsa visionem Dei fieri per speciem Dei tamen impressam, quam expressam. Ita Vazquez 1. p. disp. 43. n. 4. 32. 33. vbi etiā docet, speciem impressam esse ipsum lumen gloriae; ac simul d. 39. multis conatur S. Thomam q. 12. art. 2. & alijs in locis, in eandem sententiam pertrahere; sed frustra; contradictoribus non solū tam Sc̄tatoribus, quam S. Thomæ aduersarijs omnibus; sed etiam ipsis apertissimis verbis, & toto contextu orationis, vt pluribus ostendit Suarez lib. 2. de Deo cap. 13. num. 5. vbi eam explicacionem, velut incredibilem, & quæ apertam vim inferat verbis S. Thomæ, aliaque etiam plura & grauiora absurdia imponere eidem cogatur, fuisse refellit; vt in retam manifesta minime opus sit pluribus laborare.

Huic sententia, visionem Dei fieri per speciem, impressam, fauet etiam Richardus in 3. diff. 14. a. 1. q. 3. vbi sentit, eam sententiam esse probabilem, posito, quod visio fiat ab intellectu; idemque refert etiam alios sensisse. Fauet etiam Sc̄tus infra, & in 4. diff. 49. q. 11. vbi ait, rationes, quibus probari solet, non dari talem speciem, nihil probare; quamvis interim ipse non dicat dari.

Citatur quoque in eandem sententiam Aureolus ex Capreolo in 4. diff. 49. q. 5. a. 2. Sed Aureolus in libro sententia, de hac re nihil habet. In quodlibetis, que citat Capreolus, quodlib. 18. a. 1. solum dixit; si debeat tolli species, & beatifica visione, hoc non facere, nec rationem facialis & clare noritiae; nec finitatem seu limitationem creatæ speciei, propter opinionem (S. Thomæ) que tresrationes alegant, &c. Quocirca inspecie eiudem rationes refellit; non tamen ideo sentit, dari speciem; immo art. 2. expressè docet, non videri Deum, per aliam creatam similitudinem, aut speciem, quam per ipsam actum visionis, & vniuersam in nulla intellectione vel cognitione dari speciem distinctam à cognitione.

Addit Suarez lib. 2. c. 12. n. 2. multos Theologos idem sensisse, & Zumel q. 12. a. 2. d. 2. ait, esse plurimos Theologos, ita docentes, quos referat Capreolus; cū tamen nec iste, nec Aquarius in additionibus ad eundem, plures referat quā Aureolū & Scotum; & hoc ipsum tamen non recte, vt dictū. Vnde plane videtur ea singularis esse sententia; cum nullus ex citatis eam absolute & simpliciter vt veram defendat prēter Vasquez. Multō minus quisquam dixit, speciem intelligibile esse ipsum lumen gloriae, vt dicatur dub. seq.

Tertia sententia est, re ipsa quidē visionē non fieri per speciem, nisi expressam; secundum absolute tamen Dei potentiam, etiā impressam non esse impossibile. Ita præter Scotū, Aureolū, Richardūl. cit. docet Gregorius de Valeria hic q. 12. pun. 2. Molina a. 2. d. 1. Suarez lib. 2. c. 13. quos alii quida recētores sequuntur.

Quarta sententia est, visionē fieri quidē per creatā speciem expressam; impressam autē etiā secundū absolute Dei potentiam esse impossibilem. Ita sentiunt Marsilius 3. q. 10. a. 2. Durandus 4. d. 49. q. 2. Capreolus 1. d. 27. q. 2. a. 3. Sotus 4. d. 49. q. 2. a. 3. Ferrarensis 1. cont. gent. c. 63. eiusdemq; posteriorē partē sequitur; priorē verò problematicē defendit Torres I.c. & est sententia S. Thomas, quoad vitramque partem, vt inferius dicemus.

Iam verò quodattinet ad alterā controvēsiā, est sententia Scoti 2. d. 3. q. 9. & in quodlib. q. 6. & 7. vbi diuidit cognitionē Dei quidditatiam in abstractiuam, quæ abstrahit ab existētia: quaq; adeo Deus non cognoscitur, vt praesentialiter existens: & intuitiuam, qualis est visio beatifica; & docet, posse dari speciem propriā & quidditatia Dei, qua Deo ab homine seu Angelo, etiam manente statu puri viatoris, clarē, & quidditatia cognoscatur cognitione abstractiuam, non tamen intuitiuam.

Affertio I. Re ipsa, Deus à beatis videtur per speciem expressam, seu per notitiā ac verbū mentis, productum velut terminū actionis, qua à Beatis producitur visio Beatifica. Ita contra Henricū, Caietanum, Zumel, aliosq; recentiores Thomistas, relatios pro 1. sent. docent, Scotus 4. d. 49. q. 2. a. 3. Ferrarensis, Capreolus, Sotus citati pro 4. sent. item Suarez lib. 2. cap. 11. Vasquez disp. 38. cap. 2. & probabiliter censet Torres loco citato.

Eadem est sententia S. Thomæ, qui non solum in definitiā ac generatiā assertit, intellectione produci verbum 1. p. q. 27. a. 1. & q. 9. de potentia a. 5. & lib. 4. cont. gent. c. 11. & 12. sed etiā expresse ait q. 4. de verit. a. 2. in omni intellectione, etiā illa, quæ est visio, procedere verbum, seu conceptionē: quod, inquit, univerſaliter verum est de omni, quod à nobis intelligitur, sive per essentiam videatur, sive per similitudinem.

Eadem est expressa sententia S. Augustini lib. 15. de Trinit. c. 16. vbi de beatifica visione loquens ait: *Tum quidem verbum nostrum non erit falsum; quia negantemur, neg fallimur.* Similia habet lib. 9. de Trinit. c. 7. 10. 11. & lib. 14. c. 16. & 17. Ratio est. Quia omnis realis actio haber realē terminū productum, cum quo identificatur, vt ex veriori Philosophia suppono: actio intellectiōis, est vera & realis actio, vt sententur omnes: Ergo haber realē terminū, qui non potest esse aliud, quam verbum, seu notitia ipsa; non vt actio est, sed vt qualitas.

Cōfirmatur primo. Quia hæc ipsa notitia est qua-

litas producta in intellectu, vtique per actionem intellectiōis: Ergo est terminus huius actionis: Ergo est verbum, seu species, ac similitudo expressa: quia, haec nihil aliud est, quam intrinsecus terminus intellectiōis, vt actio est.

Confirmatur secundo. Aut enim intellectio ipsa est vera actio prædicatalis, aut solum grammaticalis; ac proinde formaliter qualitas: si primum, vt plerique autores contraria sententiae volunt, habebit suum terminū, eumquoniam alium, quam verbum, quod est ipsam species expressam. Si secundum, vt vniuersim docent Scotus quodlibet. q. 8. Durandus in 1. dist. 27. q. 2. Gabriel ibidem, Heraclius quodlib. 2. q. 8. Capreolus in 2. dist. 1. q. 2. a. 3. ad 2. Ferrarensis 2. cont. gent. cap. 9. & 82. Caicetus. 1. p. q. 79. a. 2. Ergo ipsam est verbum, & terminus actionis intelligendi, adeoque similitudo actualis rei cognitæ.

Ex quo sequitur, non solum re ipsa dari speciem expressam, sed etiam ita necessariam esse, vt sine ea, secundum absolutam quoque Dei potentiam, visio Dei esse non possit, vt recte Suarez sup. n. 9. qui adit num. 4. oppositum defendi non posse, nisi declinando in opinionem illam, Deum videri per visionem Dei in creatam, seipsam formaliter unitam intellectui creare; quod tamen citati autores communiter negant, & inferius dub. 4. improbabiliter. Nique etiam in contrarium sunt villa argumenta, nisi quibus illi probare ex S. Thomas solent, non dati speciem Dei impressam, de quibus iuxta.

Affertio II. Visio re ipsa non sit per aliquam speciem impressam: sed ipsa Dei essentia per seipsum sufficit ad sui representationem, adeoque ad causandam visionem ex parte obiecti. Ita S. Thomas q. 12. a. 2. vti verba eius clarescant, & ab omnibus (excepto Vasquo) intelligitur; item Alensis 1. p. 7. m. 2. & in 2. p. q. 24. m. 1. Henricus quodlib. 3. q. 1. & quodlib. 4. q. 7. & in sum. art. 33. q. 2. Aegidius in Castig. art. 1. Durandus in 4. dist. 49. q. 2. à num. 13. Argentina q. 2. a. 2. Paludanus q. 1. a. 2. Capreolus q. 5. a. 1. Sotus q. 2. a. 3. Marsilius in 3. q. 10. art. 2. Ferrarensis 3. cont. gent. cap. 49. Caietanus, Bannes, Zumel, omnesque Thomistæ hic q. 12. a. 2. Gregorius de Valencia q. 12 p. 1. Molina a. 2. disp. 1. Suarez lib. 2. cap. 12. Nec dissentient Richardus, Scotus, Aureolus, vt superius dictū; quo sit, vt hæc communis DD. sententia meritè dici possit.

Ratio est. Non quia vniuersim visio fieri non possit per impressam speciem, hoc enim falso est, vt ex dictis liquet; sed quia præter ordinarias diuinæ prouidentiæ leges est, plura adhibere actionis principia, vbi ad connaturalem eius modum pauciora sufficiunt. Neque verò vñquam datur species impressa intellectiōis, nisi quando obiectum per se immediate non est sufficiens ad causandam ex parte obiecti cognitionem, vt inductione patet: hic autem Deus ipse abunde sufficit, vt concurrat per modum obiecti immediate, sine villa specie impressa. Ergo non est opus villa tali specie.

Minor declaratur. Quia species intelligibiles, vt & sensibiles, tres tantum ob causas ponere necesse est: prima, vt obiectum coniungatur potentia; ne fiat actio in distans: secunda, vt obiectum, quod ob materialitatem suam est improprio ratiōne potentia;

fiat.

fiat mediante specie proportionatum; seu potius, ut quia ipsum obiectum materiale per se non potest proportionatum potentiae reddi, species eius loco obiectu representet: tercia, ut velut instrumentum connaturale obiecti efficiat una cum potentia, loco obiecti cognitionem, ut docent S. Thomas 1. p. q. 5. 6. a. 1. & i. cont gent. cap. 5. & seqq. Scotus in 1. dist. 3. quest. 7. & in quodlib. q. 15. Albertus in sum, de hom. part. 2. tract. 1. de lenibus, & Capreolus 1. dist. 3. q. 1. Suarez lib. 2. cap. 12. n. 11. & quanquam non pauci sentiantur species impressas tantum materialiter & dispositivae, non instrumentaliter concurrens; quam communem esse Graecorum, testatur Picoliminius; & sequitur Toletus lib. 2. de anima quest. 12. de sensib. exterr.

Præter hoc vero munera speciei impressæ nullum potest excoigitari aliud, quod ad prædicta non reuocetur. Nam informare potentiam, eique inhaerere, per accidens est, ut patet tum in Dei intellecione, tum Angelis, seipsum per suam substantiam intelligentis. Representare item obiectum, & determinare potentiam ad certam speciem actus, spectant ad secundum, & tertium officium superius regulatum; siquidem id species hoc ipso facit, quod cum debitâ habeat cum potentia proportionem ex parte immaterialitatis, ac connaturale quoddam obiectum instrumentum sit, ex parte obiecti effectuè concurredit ad certam speciem actus ab obiectu desumptam, non ad aliam.

Iam vero ex tribus istis, nulla est causa, ob quam Deus specie egeat, ut se intellectui creato, aliqui sufficienter ad visionem instruôt representent. Primum enim est intimè conniunctus & vnitus potentiae, per localem indistantiam: secundum est summè immaterialis, adeoque secundum se vel maximè intelligibilis, non solum potentia, ut de substantia materiali loquitur Aristoteles 3. de anima t. 1. 8. sed etiam actus: tertio est per seipsum sufficientissimum, ut effectuè, una cum potentia, per modum obiecti concurredit ad visionem, adeoque seipso eidem est sufficierent vnitus, etiam per modum principij & causæ: quid ergo deest, quod minus absque specie concurredit ad visionem?

Dices, etiam tunc, cum obiectum est animis immateriale, dandum esse speciem, ut proportionetur potentiae. Respondetur, cum hoc accidit, ex parte obiecti defectum non esse, cum ex se sit vel maximè intelligibile: sed ex parte potentiae; quæ proinde altiori lumine seu virtute confortanda erit: alioquin si detur quidem species, videre poterit obiectum; cum eius intelligibilitas per speciem non reddatur, inferioris ordinis. Atque hoc ipsum etiam argumentum probat, hunc solum esse connaturale in modum videnti Deum; quandoquidem species non dantur, nisi ex defectu obiecti principalis, ut dictum.

Qua de causa etiam in hac materia, non propter dicitur, Deum in visione supplere locum speciei intelligibilis, ut quidam Theologi loquuntur; & vniuersim nostra sententia auctòribus tribuit, & hoc ferè solo sensu, etandem sententiam impugnat Vasquez disp. 43. passim, præsentime 3. sed potius dicendum, Deum absq; specie intelligibili, & eius vicario concursu, ex proprio quasi officio & autoritate, ex parte obiecti, seipso immediate concurrens ad visionem; quia, ut dictum,

species per se non requiritur, ad cognitionem, sed tantum ex defectu obiecti; cuius alioqui est per se concurrere.

Hinc species dicitur *vicaria obiecti*, cum id seipsum non potest immediate representare potentia; obiectum autem non est dicendum vicarium speciei, cum id per se potest facere. Sicut Rex per seipsum regium munus obiens, non dicitur id facere, loco, aut vice sui ministri; sed cum id Rex per seipsum non facit, dicitur Legatus aut Vicerex id facere loco Regis. Atque in hanc sententiam optimè intelliguntur Richardus & Scotus apud Vasquez dist. 43. n. 26. dum negare videntur, Deum loco speciei concurrens: cum interim Scotus ibidem aperite fateatur, lumen gloriae sine specie ad visionem sufficere. Rectè tamen nihilominus dei potest, Deum per modum forma intelligibilis, seclusus imperfectionibus, seipso immediate vni intellectu Beati, ut eum S. Thoma omnes communiter loquuntur.

Affertio 111. Probabilitas videtur, implicare contradictionem, ut detur species impressa, per quam Deus videatur. Est expressa doctrina S. Thomæ hic q. 12. a. 2. vbi ait; *Dicere, Deum per similitudinem videri, est dicere, diuinam efficiam non videri.* Eodem tèdunt rationes, & totus discursus S. Thomæ: quem ita communiter intellexerunt omnes eius interpres, & Antagonistæ, ut in specie de Scoto & Aureolo dictum; quicquid Vasquez cit. d. 39. alio verba eius trahere nitatur; tanquam si loquatur solus de verbo mentis, quod veluti medium prius cognitum, intercedat in visione; ipsum vero lumen gloriae sentiat esse speciem impressam, per quam re ipsa Deo videatur: que, ut dictum, non solus est noua & singularis interpretationis, sed etiam à verbis S. Thomæ pro rursus aliena, ut prolixè ostendunt Suarez loco citato, & Zumel hic quest. 12. a. 2. d. 1.

Eandem sententiam tradiderunt Henricus, Aegidius, Mafilius, Durandus, Capreolus, Sotus, Ferrarensis, Caietanus locis affl. præced: citatis, Zumel quest. 12. a. 2. d. 3. Bannes d. 2. alioisque Thomistæ recentiores omnes: quam proinde sententiam communiores inter Theologos rectè dixeris: eti contrarium sentiant post Scotum, Aureolum, Richardum, superioris citatos, Gregorius de Valentia, Molina, Suarez citati pro tercia sententia; item Vasquez disp. 43. num. 4. 3. 2. 3. 3.

Hæc vero Affertio probatur à S. Thoma hic tribus rationibus, quas Thomistæ varie confirmare nuntuntur. Sed cum pariter etiam militare videantur, contra similitudinem expressam, quam ideo quidam etiam ipsorum reiiciunt, ut dictum; vix aliquid efficiunt, ut de singulis speciatim ostendunt in contrarium citatis.

Aliiter ergo præbō eandem assertionem, Primo ex natura ipsa speciei intelligibilis; cuius proprium & intrinsecum munus est, esse vicariam obiecti, per modum naturalis cuiusdam similitudinis seu instrumenti, cum id ex se non est proportionatum, potentia; seu proper absentiam; seu ob materialitatem; seu ob defectum efficiens naturalis, seu ob hec omnia: adeo ut munus eius sit connaturali modo obiectum proportionatum reddere potentia; cum id antea non est proportionatum: atque vero, ut dictum assert. præced. Deus per modum ob-

iecti, & ex sua parte, iam antea est optimè proportionatus potentie; modo huius vis intelligendi, ex ipsius quoq; parte cōpletatur ac perficiatur lumine gloriae, aut simili auxilio, vt dicetur dub. 3. & 4. Ergo non potest respectu Dei locum habere proprium ac intrinsecum munus speciei intelligibilis.

Maior patet ex dictis assert. praeced. nec ab alijs etiā auctoribus negatur. In quem sensum speciatum Suarez cit. lib. 2. c. 12. n. 2. ait: *Species solum ponit ad supplendam absentiam, vel impotentiam fabiūcti.* Et c. 13. n. 14. *Species, non dari ad leuandum obiecta ad superiorem ordinem; sed solū, ut suppleant vicem eorum, vel reddat illa accommodata personis intelligentib[us].* Dicit alius. Quod Deus potest immediate per se facere, potest etiā facere per aliquod instrumentū. Respondeo; sed non semper connaturaliter, & per instrumentū connaturale.

Vnde desumitur secundū argumentū. Species intelligibilis debet verē obiecti esse instrumentū connaturalē intellectio[n]is: atqui non est possibile instrumentū connaturalē visionis Dei: Ergo, &c. Maior ab omnibus conceditur, speciatim à Suarez c. 13. n. 15. & patet tū inductione; tū quia proptereā etiā dicuntur species, naturales similitudines obiecti. Minor probatur primo, quia si esset possibile connaturalē eiusmodi instrumentū, tum reipsa daretur; quia connaturalis quasi, & ordinarius diuinæ prouidētiē modus est, vt quo ad fieri potest, omnia fiat per subordinata connaturalia instrumenta ac principia; vt patet inductione, in omni rerum genere.

Secundo probatur eadem Minor. Quia nonquam idē effectus ad quātē spectatus connaturaliter & quāc procedit, & ab ipsa principali causa immediatē, & ab instrumento naturaliter subordinato: sed poti⁹ vbi-cung; datur instrumentū connaturaliter subordinatū principali causa, illic per se immediatē, saltem & quāc connaturaliter, principalis causa eū effectū non producit, & è cōtrario: quod fundatur in illo principio; *Deus & natura nihil faciunt frigida.* Itē, *natura determinata est ad unū.* Exemplū videre licet, in forma aquæ, quā cū per se ipsam restituat se frigori, non est credibile, cā ad hoc habere connaturalē instrumentū, quo id ipsum facere possit: & è cōtrario, cū eadē aqua subiectū a se distinctū frigefaciat, per qualitatē a se distinctam; non est credibile, posse id etiā per se ipsam, seu per suā formā immediatē modo connaturali facere. Deniq; vbi cinq[ue] in rebus creatis obiectum ex se est sufficienter proportionatum potentie, illuc non datur naturalis eius species; vbi verō datur, obiectum ex se non est satis proportionatum.

Atq; hoc sane argumentū apud me plurimū momentū habet. Nec video, si nō minus possibilis sit habitualis qualitas, ex parte obiectū connaturaliter producens visionē, quā habitus cognoscitius supernaturalis, ex parte intellectus ad eandē concurrentis, cur non quā etiā illū Beatis habitus indiderit Dei, ac istū; aut non potius, quā istū; eū illud instrumentū obiectuum teneat se ex parte Dei viii; hoc tantū ex parte potentie, in cuius operandi modo quandam quasi defectum sive relictum, solo concursu actuali Dei supplendum, minus inconveniens foret.

Vnde quidā apud Suarez c. 12. n. 21. non male dixerūt, an de facto detur species in visione Dei, id pēdere ex eo, an sit possibilis. Et Vasquez l.c. speciatim n. 3. 2. & 3. 4. ex possibilitate p̄cipue insert existentiā talis

speciei: quā argumētatio in hac quidē materia nō est parui ponderis, vt dicitur. Quod si Deus rem quāpiam adhiberet, velut instrumentum ad visionem producendam, id arbitriarum quidem ac supernaturale. Dei instrumentum esset, ad hunc effectum; sed non connaturale; ac proinde nec species, vt dicitur.

Tertio probatur assertio hac etiā probabilis argumētatione. Omnis species ab obiecto producita, producitur ab eo naturaliter & necessariō: sed impossibile est, vt Deus aliquid extra producat naturaliter & necessario, vt omnes satētur: Ergo. Maior probatur, tū inductione, tū ratione. Quia species est naturalissima obiecti, ab eo, procedit in quantū cognoscibile (effectū) est; quād oquidē reddit obiectū ex sua parte cognoscibile. Ergo, procedit ab eo in quartū Ens, & nō vt liberū Ens est, ac per voluntatē operās. Respōdet quidē ad hoc argumentū Suarez & Vasquez; sed ei sua probabilitas nō admittit. Atq; hac argumēta saltē probabilitē mihi redditur S. Thomē sc̄tētia, que communiori calculo Scholasticorū haec tenet⁹ suis cōprobata.

Hic accedit etiā tertia ratio S. Thomē hīca. 2. quā ad sequentē modū formata, non est spernēda. Si quē datur species clarē Deū vidēdū exhibens & representāta, ea deberet esse simpliciter infinita, in ratione representādi; vt pote idonea ad representādū Deū, & omnia, quā potest Deus representare; ac hoc est impossibile; quād oquidē in nullo alioquin genere Entis creati absoluti aliquid simpliciter infinitū est possibile, vt dicitur q. 4. Ergo, &c. Alia ratio est speciei expelle, seu verbi mētalis; quod cum sit actualis notitia, non debet esse adiquata obiecti, secundum omnem vim representandi, quam id in actū primo habet; sed solū ex ea parte, qua re ipsa & actū terminat visiōnem; qua ratione solum est finita.

Assertio IV. Nec est, nec esse potest species vlla Dei propria, qua De⁹ cognoscatur clarē & quidditatiē, cognitione abstractiua. Ita communiter Doctores, nominatiū Herugus quodlib. 2. q. 5. post S. Thomā hic q. 12. a. 2. vbi generatim despecie. Essētia diuinæ loquitur, vt & citati pro p̄cedentiali alettione: contra Scotū l.c. cui fauerit. Aureolus q. 2. plog art. 4. vbi docet, posse in viatore puro dari distinctionem, claram, & quidditatiū Dei notitiā, ex qua, vt initio questionis dixerat, omnes veritates de personis & attributis, & alijs in trinsecis sc̄iencie possint concludi, que sit abstractiua tantū, nō intuitiua: quāquā de specie, ppria ipsius Dei nihil ibile a sc̄lētū; nec plane etiā cū Scoto & Herugo (quos idcirco ibidē refutat) cōveniat, in descriptione cognitionis abstractiua & intuitiua.

Probatur assertio. Quia quocūq; modo sumatur & declaretur quidditatiua Dei cognitionis, ea sane postulat, vt essentia diuinā, & attributa ac perfectiones essentialia Dei omnes, clare & distincte cognoscatur; sed inter alia Dei attributa essentialia, est ipsa etiā existētia. Existētia, ex dictis q. 1. Ergo impossibile est, vt per quidditatiū Dei cognitionē nō cognoscatur Existētia, adeoq; vt quidditatiua cognitionis Dei, seu species ppria essētia diuinæ abstracta ab existētia, adeoq; sit abstractiua, put à Scoto fuit definita & nō intuitiua.

Sed quia respōdet Aureol⁹, non esse de ratione cognitionis abstractiua, ita abstracta ab existētia, vt p̄ ea existētia non cognoscatur, quandoquidē datur mathematica demonstratio & sc̄iencia, que directe probet ipsa Eclipsis existētia, sed & per phantasiam (cum cognitio,

cognitio, inquit, nō potest nō esse abstractiuā) sāpe imaginamur ipsā rē ut existētē & p̄fētē, etiā fortē rē ipsa p̄fēns non sit: addēdūm est, non tantum non posse dari cognitionem Dei quidditatūā, quē ab existētia Dei penitus abstrahat, eamque plane non cognoscat; sed etiā nec posse villo vero sensu esse abstractiuā, si verēlit quidditatua, & per propriam speciem Deifiat; quia quomodocunq; definitur abstractiuā notitia, prout ab intuitu distinguitur, ea ita saltem abstrahere debet ab existētia rei, vt non feratur immediate (sine medio cognito) & formaliter ac perspicue in ipsam rem vere ac p̄fentialiter existētē, vt existētē, clare scilicet, ac immedietē per propriam rei existētis vt existētis p̄ficiem, aut modo equivalente, cognoscendo eius p̄fentialē existētiam; quæcunq; enim talis cognitione, intuituā, non abstractiuā est, vt ex communi vocabuli notione à visu desumpta patet: sed si datur species propria Dei, existētiam eius adeoq; Deum ipsum clare & quidditatūē repräsentans, impossibile est, quin per eam, immediatē (sine medio cognito) clare, & distinctē cognoscatur Deus & p̄fentialiter existētis: quandoquidēm & existētia eius, & immeasitas ac omnipræfentia (ex hypothesis) est de ratione diuinæ Essentiae: Ergo impossibile est, vt talis species quidditatūē, & non intuituē Deum repräsentet. Vnde colligitur etiā, falsum esse, quod docuit Scotus in z.d. 3. q. 9. & ferē Gabriel ibidem q. 2. Angelos naturaliter per speciem inditam, cognitione abstractiuā, Deum quidditatue, prout in se est, cognoscere; de quo plura infra de Angelis.

Quod verò Aureolus ibidem contra Scotum & Heruēum docet, dāri posse intuituā rei cognitionem, etiam re non amplius existētis; & ad propositum non facit, & propriō loquendo verum non videtur, Neq; tamen interim nego, posse deo etiā secundum Esse ac veritates supernaturales, v.g. quod sit Trinus & unus, Deus & homo, &c. haberi cognitionem eidēntē ab abstractiuā, eidēntiā reuelationis nixam, quæ dici solet eidēntia in reuelante: hēc enim non habetur per propriam speciem, sed simili est ei, qualis etiā de naturalibus perfectionibus Dei, per alienas rerum creatarum species habetur, ab eo, qui demonstrationem de iſdem habet.

Vt nec etiā scientia infusa ipsius Dei, etiā per infusa species habeatur, etiā per propriā Dei speciem, sed per species alienas creaturarum, vt suo loco docetur. Quod si tali solum modo aliquo putauit Aureol⁹, in viatore esse posse claram Dei notitiam abstractivam, in re non errauit, sed non rectē tamen eam cognitionem vocavit quidditatuum, cum ijs cognitionibus nullus proprius & adaequatus conceptus essentia Dei habeatur, sed Deus per alienas solum rerum creatarum species cognoscatur, vt dictum.

Obijci potest. S. Paulus ex probabili sententia, etiā in hac vita, quasi in raptu, vidi diuinam Essentiam; cuiusq; visionis etiā postea retinuit memoriam eidēntem: Ergo signum est, retinuisse speciem, qua etiā antea Deū viderat. Respondeo cū S. Thomas. p. q. 1. 2. a. 9. ad 2. in simili, negando consequētiā. Solum enim sequitur, Paulum ex ipsa visione Essentiae diuina formasse in se similitudinem quādam tū ipsius visionis Dei, saltem secundū rationem quādam communem; tū eorū, quā in Deo per eam

visionem vidit; quæ species etiā remāsit post eiusmodi raptū; sic tamē, vt Deū quidditatūē per eā nullo modo amplius cognosceret, sed solū abstractiuē.

### D V B I V M III.

*Vtrum intellectus creatus videre Deum possit naturalibus viribus; an vero indigeat ad hoc supernaturali habitu luminis glorie; idq; etiam secundum absolutam Dei potentiam?*

S. Thom. 2. p. q. 12. a. 4. & 5.

**S**VNT HAC IN REVARII PARTI HÆRETICORUM ERORES; Partim Catholicorum sententia Primo enim fuerunt quidam hæretici, qui docuerūt, hominem suis naturalibus viribus posse videre Deum. Ita enim refertur de Beguardis, & Beguinis in Clementina Ad nostrum, de hæreticis, dixisse eos inter alia: quod quilibet intellectus natura in seipso naturaliter est beatus; quæcunq; anima non indiget lumine gloriae ipsam eleuante ad Deum videndum. Huc spectant etiā Anomæ veteres hæretici, qui duce Eunomio docuerunt, Deum ab intellectu nostro virtute propria in hac vita comprehendendi posse, vt videre est apud Nazianzenum orat. 42. & apud Chrysostomum homil. 5. de incomprehensibili Dei natura, Basiliū lib. 1. cont. Eunom. Theodore filib. 4. hæret. fab. Hieronymū in illud Matth. 11. Nemo novit filium, & apud Theophylactum in illud Ephes. 3. in gentibus Euangelizare.

Secundo ex Scholasticis quidam, saltem sub conditione & hypothesis, in quā tamen ipsi etiā magis inclinabat, luminis gloriae necessitatē negarūt; si nimirū dicatur visio, p̄duci à solo Deo. Ita Scot⁹ in 3. d. 14. q. 2. & disp. 3. 1. q. 1. & in 4. d. 49. q. 11. idēq; in simili de amore & fruitione Dei docuit in 3. dist. 12. q. 4.

Tertio alij nonnulli, tametsi plane faterentur, aliquod gratutum Dei auxilium ad Deum videndum requiri, dixerūt tamen, sufficere extrinsecum, & quasi negatiūt; remouere scil. impedimenta intelligendi: posse enim naturaliter Deū ab homine videri, si modo & Deus vellet extrinsecè se eidem representare; & impedimentum constitutum in modo cognoscendi Deum, per sensus extēiores, seu per creatum medium, remouere. Ita Durandus in 4. d. 49. q. 2. n. 24.

Quarto vero circa explicationem & naturam luminis gloriae, etiā ex illis, qui eius necessitatem aliqui profitebantur, ita quidem variarūt, vt re ipsa parum ab ijs, qui eius necessitatem denegarunt, aut diminuerunt, recederent.

Quinto deniq; etiā illi, qui necessitatem veri luminis gloriae agnoscūt; non tamen consentiūt, an de absolute quoq; Dei potentia sit necessarium ad visionem, vt imagi ex sequentibus assertiōibus p̄fascet.

Affiratio I. Impossibile est, vt per vires nature Deū ab intellectu creato, seu humano, seu Angelico, intuituē & quidditatūē videatur. Ita S. Thomas hic q. 12. a. 4. & in 4. d. 49. q. 2. a. 6. & de verit. q. 8. a. 3. & 3. cont. gent. c. 50. cū quo hac in te consentiūt omnes Scholastici, quidquid de Angelis dubitauerit. Maior in 4. d. 49. q. 4. Estq; de fide, salte quoad intellectū humanū, cōtra Anomos & Beguardos superi⁹ citat, ex Cōcilio